



**Broj: 01-04-4-2136/22**

**Datum: 01.09.2022. godine**

## OPĆINSKO VIJEĆE STARI GRAD SARAJEVO

**n/r Predsjedavajućeg dr.sci. Batalović Mirze**

### **PREDMET: Zahtjev za zakazivanje vanredne sjednice**

Poštovani,

Imajući u vidu činjenicu da je Ministarstvo za odgoj i obrazovanje Kantona Sarajevo, izvršilo nabavku udžbenika samo za učenike od 5 do 9 razreda osnovnih škola u Kantonu Sarajevu, cijeneći najbolji interes učenika, te sprječavanje diskriminacije među istima Općinski načelnik Općine Stari Grad Sarajevo je osigurao sredstva za nabavku udžbenika za sve učenike od prvog do četvrtog razreda sa područja ove Općine. Iako je Općina Stari Grad Sarajevo na čelu sa Općinskim načelnikom osigurala novčana sredstva potrebna za nabavku predmetnih udžbenika, te iskazala volju i spremnost da iste i nabavi, uzimajući u obzir činjenicu da je školska godina počela 01.09.2022. godine, kao i odredbe Zakona o javnim nabavkama Bosne i Hercegovine, Općina nije u mogućnosti provesti odgovarajući postupak nabavke udžbenika, a da isti budu učenicima na raspolaganju bar u prvom dijelu mjeseca septembra.

Nadalje, obzirom da je Ministarstvo za odgoj i obrazovanje Kantona Sarajeva već provelo odgovarajući postupak javne nabavke udžbenika za učenike od petog do devetog razreda, te je shodno tome, a temeljem odredbi člana 22. stav 1. tačka b Zakona o javnim nabavkama Bosne i Hercegovine bilo u mogućnosti da u kratkom roku nabavi i dodatan broj udžbenika, bez pokretanja i provođenja novog postupka javnih nabavki koji bi iziskivao znatno više vremena, te bi onemogućilo učenike da započnu školsku godinu sa potrebnim udžbenicima, a što Općina Stari Grad Sarajevo nema kao zakonsku mogućnost, upućen je poziv resornoj ministrici za potpisivanje sporazuma, po osnovu kojeg bi Općina prebacila potrebna sredstva Ministarstvu u svrhu nabavke udžbenika, temeljem naprijed navedenih odredbi Zakona o javnim nabavkama Bosne i Hercegovine.

Obzirom da je Ministrica odbila da potpiše ponuđeni sporazum, te izvrši nabavku predmetnih udžbenika, a što jeste nadležnost Ministarstva za odgoj i obrazovanje Kantona Sarajevo, Sekretar organa državne službe, Pravobranilac Općine, te pomoćnici Općinskog načelnika su održali hitan sastanak na kojem su razmotrili sve zakonske mogućnosti za što efikasniju nabavku udžbenika, posebno imajući u vidu hitnost obzirom da je školska godina počela.

S tim u vezi, Općinski načelnik traži od Vas da **hitno** sazovete vanrednu sjednicu Općinskog vijeća Stari Grad Sarajevo, sa jednom tačkom dnevnog reda, a to je razmatranje prijedloga zaključka, kojim će Općinsko vijeće Stari Grad Sarajevo ovlastiti Općinskog načelnika da u roku od tri dana od dana usvajanja Zaključka raspiše javni poziv za dodjelu/refundaciju novčanih sredstava, koja su obezbjeđena u Budžetu Općine, roditeljima učenika od prvog do četvrtog razreda osnovnih škola na području Općine Stari Grad Sarajevo za nabavku udžbenika, a prema podacima dostavljenim od strane direktora osnovnih škola. Na ovaj način može se omogućiti refundiranje sredstava roditeljima za nabavku udžbenika u roku od 10 dana, a učenicima od 1 do 4 razreda dati ista amogućnost kao i učenicima od 5 do 9 razreda da školsku godinu započnu sa novim udžbenicima.

S poštovanjem,



OPĆINSKI NAČELNIK

mr. Ibrahım Hadzıbađrić

Dostaviti:

1. Naslovu; - *Senka Višnjić* 1.09.2022
2. Sekretar organa državne službe;
3. Evidencija.